

Կապաղովկիւայի մէջ: Այդտեղ էլ առաջին անգամ գտնուել են Հեթիթերէն բաղմաթիւ արձանագրութիւններ:

Ահա այդ հեթիթերէն լեզուն է, որ Ենդէն համարում է Հնդեւրոպական, այն եւս՝ հայերէնին շատ մօտ (Ենդէն մեր ցեղի Հայ անունն էլ նոյնացնում է Հաք (Հեթիթ) անուան հետ): Կարճ՝ Հեթիթները (կամ հնագոյն Կիլիկեցիները) հայերի նախահայրերը եւ կամ մօտ ցեղակիցներն են եղել:

Մարքվարտ ժխտում է այս տեսութիւնը: Նա այն կարծիքին է, թէ «հեթիթերէնը բնաւ կապ չունի հայերէնի հետ եւ հեթիթերէնը, Հնդեւրոպական լեզու էլ չէ», թէպէտ միեւնոյն ժամանակ խիստ ուշադրաւ է համարում տակաւին 1915 թ. չէիս դիտնական Հրոզնիի այն յայտարարութիւնը թէ՛ իրեն յաջողուել է թափանցել Բողազ-Քէօյի սեպագրութեանց լեզուի կազմութեան մէջ, եւ թէ, նրա կարծիքով, հեթիթերէնը յիբաւի, Հնդեւրոպական լեզու է, այն եւս՝ եւրոպական ճիւղին պատկանող: Այդ ապացուցուելու պարագային իսկ Մարքվարտ մօտիկ յարակցութիւն չէ գտնում նրա եւ հայերէնի միջեւ:

Իսկ ո՞ր ժամանակներից մենք որոշ ու պարզ տեղեկութիւններ ունինք հայերի, որպէս այդ անուամբ ծանօթ եւ ուրոյն ազգի մասին: Յայտնի է, որ Ասորեստանի թագաւորների թողած արձանագրութեանց մէջ բնաւ խօսք չէ արւում հայերի (կամ արմէնների) մասին: Նոյնը նաեւ բարելոնեան եւ խալդական արձանագրութիւնները:

«Հայոց դաղթի ելակէտը անկասկած յետագայի Փոքր Հայքն է եղել, այսինքն՝ այն երկիրը, որ ընկնում է Գալլ գետից (Լիւկոս, Քելքիս) դէպի հարաւ ու Եփրատից արեւմուտք՝ մինչեւ այն շրջանը, ուր Ք. Յ. 9-րդ դարում Պողիկեաններն էին կեդրոնացած, ասել է՝ մինչեւ այժմեան Իլիւրիի քաղաքը: Քրիստոսից 7 դար առաջ հայերը արդէն իսկ ապրած պիտի լինին Կապաղովկիային անմիջապէս կից մի երկրում: Այդ երկում է նրանից, որ հայերը դեռ յետքրիստոնէական շրջանում Կապաղովկիան Գամբք եւ կոչում, այսինքն՝ իրանական-վաչկատուն Կիմերների անունով, որոնք 7-րդ դարում այդ երկիրը տիրեցին: Հայերի (արմէնների) դաղթը դէպի Փոքր Ասիա

տեղի է ունեցել սակայն այդ՝ 7-րդ դարուց էլ հարիւրամեակներ առաջ: Եթէ հայերն էլ, ասում է Մ., Թրերների հետ միասին (Trer) 7-րդ դարում Ք. Ա. Թրակիայից Փոքր Ասիա եկած լինէին, այդ պարագային նրանց դաղթի մասին եւս տեղեկութիւն մնացած կը լինէր մեզ, ինչպէս որ այդ միջոցին ներգաղթած Թրակացի ուրիշ ժողովուրդների մասին տեղեկութիւններ կան պահուած:

Հայ ցեղի եւ երկրի անուանակոչման համար բացի ազգային հայ, Հայք եւ վրացական Սովետի, Սովետրի անուններից՝ օտար լեզուների մէջ սկզբից մինչեւ օրս դորձածական են արմէն, Արմենիա անունները: Մինչեւ այժմ իշխող է եղել այն ընդհանուր կարծիքը, թէ առաջին անգամ այդ անունը դորձածուած ենք գտնում պարսից Գարեհ Ա. թագաւորի արձանագրութեանց մէջ (520 թ.) — Արմենա, Արմինիա ձեւերով, որ եւ պարսիկներից յոյների միջոցով անցել է միւս ազգերին:

Մարքվարտ կարծում է սակայն, որ մեր ցեղի այդ անուանակոչումը աւելի հին ազգերների մէջ եւս պահուած կայ: Այդպիսին է, նրա ասելով, Հոմերոսի Իլիականը, ուր պահուած է հայ անուան հնագոյն հետքը: Դա այսպէս կոչուած Հոմերեան նաւացուցակն է (Իլիական Բ. 783), ուր խօսք է արուած արիւմ, արիւմներ ցեղի մասին, որի բնակութեան վայրն էլ համապատասխանում է փոքրասիական այն շրջանին, ուր սկզբնապէս հաստատուել էին հայերը, արեւմտ. սահման ունենալով Հայկուսի ակունքը:

Ահա այդ արմէններն էլ Մարքվարտ համարում է նախահայրեր հայերի (արմէնների):

Մարքվարտ հին պարսկական Armina յունական Armenioi անունների արմատը համարում է arm կամ ar (i)m, ar (u)m, որից եւ խալդական ini վերջաւորութեան օղնութեամբ կազմուել են վերոյիշեալ Arm-ina Arm-eni-oi ձեւերը:

Յայտնի է արդէն, որ խալդական -- i (u)ni վերջաւորութիւնը հայերէնի մէջ եւս պահուել է, յատկապէս ցեղ անունների մէջ (Բագրատունի եւայն): Ըստ այդմ՝ Մարքվարտ անհավանական չէ համարում Կ. Լեհման Հաուպտի այն ենթագրութիւնը եւս, թէ խալդական Մե-նուաս թագաւորի մի արձանագրութեան մէջ